

報萬歷十三年薨子翊鉅嗣鉅字昇甫穎異
工詩文當時與王弇州吳明卿詩筒往來著有
讌堂集震岳詩話與弟翊鏊翊鑒嘗共處一

詩唱和號花萼社鏊字仲良文學書翰俱有名
爲楚藩宗正鉅薨子常滄嗣

富順郡王厚焜荆和王庶二子正德九年封以詩畫
名初荆端王疾詔王代朝謁及端王子永定王長
卽謝攝事人尤以爲賢萬歷十九年薨子載拱嗣
十六年薨子翊鋌嗣十八年薨子常涵嗣天啟三
年薨子由樞嗣

永新郡安莊王厚燠和王庶三子詩畫與富順王同
名正德十一年封嘉靖四十一年薨子恭懿王載
壕嗣萬歷十六年薨子翊鍵早卒鍵子常渭嗣渭
薨子由樞嗣

德安郡王翊鏞荆莊王第二子嘉靖三十六年封萬
歷三十年薨子灞嗣

都梁郡王

見前見
灞傳

永定郡王

見前端
王傳